

Fotografo hoben Ayrton Tromp :

“Mi ta wardando mi
haci 18, ta hopi hende
ta subestima mi “




encera asina hopi cos, tanto asina cu nan ta demasiado pa menciona. E ta conta cu e tin hopi conexion cu otro fotografonan riba e isla y nan tambe sa hopi bon con duro e trabou ta.

“Nos no tin un team cu ta contesta e-mail y yamada pa nos, nos no tin un marketing manager, nos no tin ningun hende. Nos mes mester haci mayoria di e trabou. Saca potret di berdad por ta facil awendia cu e camara digital nan. Pero pa mantene un negoshi ariba up y stabiel ta e dolor. “ Sr. Tromp ta bisa.

Sosten

Pero manera tur hende cu ta yega na algo den bida, sr.



ORANJESTAD – Ayrton Tromp ta un fotografo hoben cu ultimamente ta creando furor riba e isla, siendo menor di edad ainda. Sr. Tromp ta conta Bon Dia Aruba cu hopi hende ta subestima su persona basa riba su edad y con bida ta opera ora bo ta hoben purbando di lanta un negoshi.

Sr. Tromp ta conta cu awo cu e haci 18, e aña aki. E lo lansa “Artn Photography” como un compania oficial. E ta conta cu e ta hopi con-

tento cu e paso grandi aki den su bida, ya cu awo e tin su mesun oficina, e ta hayando popularidad y e tin hopi confiansa den su mes. Segun e, e gusta traha cu hende y e kier traha cu mas hende den futuro y yuda hopi hende.

E no ta facil

Sr. Tromp ta conta, cu pa hende fotografia ta zona hopi facil pero aunke cu e ta un trabou hopi dushi e no ta facil. “Mi mes a dal mi dede hopi duro” e ta bisa. Pero segun e, e stima locual e ta haciendo. Aunke cu e trabou ta

Tromp tambe ta haya hopi ayudo.

E ta hopi contento cu e tin hopi hende cu ta yuda su persona y semper kier traha cu ne. Segun e ta bisa, e aña aki, e ta sigur cu e lo tin hopi oportunidadnan grandi. Tin un posibilidad cu e aña aki na december e lo bay traha na Jamaica, Sint Maarten y tambe Corsou. Aunke e no ta confirma, sr. Tromp ta bisa cu e ta hopi excita. Na juli tin un posibilidad cu e lo bay Media School na Corsou atrobe pa e duna un tayer na e media bootcamp.

Sr. Tromp ta bisa “Aña pasa mi a haci esaki y tur hende a gusta masha hopi mes. Tur hende tawata sumamente

hopi entusiasmo. Loke mas mi ta gusta ta cu awo mi ta haciendo fotografia pa tempo completo, cual ta algo e semper tabata desea. E no ta facil, di berdad, Al contrario e ta dificil. Mi ta kere cu hard traha duro ta duna su resultado y esey ta loke mi ta haciendo gewoon traha duro pa locual mi kier.”

Inspiracion

Manera Bon Dia a yega di publica den pasado, sr. Tromp a con ta Bon Dia Aruba cu e tin 17 aña y el a cuminsa cu fotografia 4 aña pasa. Segun e, Luis Mejia ta ken a inspira pa cuminsa saca potret. “No Luis su trabou so, pero tambe su humildad y e persona cu e

ta. Cuatro aña pasa mi mester a yena saco nan Chines 3 siman largo pa por a logra cumpra mi mesun camara pasobra mi mayornan nunca por a cumpra un camara profesional pa mi y nan no tawata di acuerdo pa cumpra un camara caro pero un barata mes tawata bon.” Tromp a conta cu e la insisti y e la traha pe y su prome camara a costa 1300 florin. Awo sr. Tromp ta conta cu awe e tin su di 2 camara cu a costa 4 biaha mas caro cu e prome.

E ta conta cu e ta gusta fotografia paso e ta un hobby sano y e kier inspira otro hoben pa tin hobynan sano y positivo. □